

ხელშეკრულება
(შესყიდვის ელექტრონული პროცედურა №GEO170000651)

ქ. თბილისი

28 ნოემბერი 2017 წელი

შპს „სახელმწიფო სამშენებლო კომპანია“ (შემდგომში „შემსყიდველად“ წოდებული), წარმოდგენილი მისი დირექტორის გიორგი შენგელიას სახით და შპს „მარტ სტილი“ (შემდგომში წოდებული „მიმწოდებლად“), წარმოდგენილი მინდობილი პირის ლევან ფირცხალაიშვილის (პირადი #01005006612, თანახმად 2016 წლის 31 მაისის მინდობილობისა დამოწმებული ნოტარიუსის დავით ოყროშიძეს მიერ, სან.მოქ. რეგ ნომერი: #160577866) სახით, საქართველოს მთავრობის 2017 წლის 09 მარტის N120 დადგენილებით დამტკიცებული შპს „სახელმწიფო სამშენებლო კომპანიის“ მიერ საქონლისა და მომსახურების შესყიდვის სპეციალური წესისა და შესყიდვების ერთიანი ელექტრონული სისტემით გამოცხადებული შესყიდვის ელექტრონული პროცედურის (GEO170000651) საფუძველზე, ვდებთ წინამდებარე ხელშეკრულებას შემდეგზე:

1. გამოყენებული ტერმინების განმარტება

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1 „ხელშეკრულება“ - შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2 „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ჯეროვანი შესრულებისათვის.
- 1.3 „დღე“, „კვირა“, „თვე“ - კალენდარული დღე, კვირა, თვე.
- 1.4 „შემსყიდველი“ - ორგანიზაცია, რომელიც წინამდებარე ხელშეკრულების ფარგლებში ახორციელებს შესყიდვას.
- 1.5 „მიმწოდებელი“ - პირი, რომელმაც გაიმარჯვა ელექტრონულ პროცედურაში და ახორციელებს საქონლის მიწოდებას ამ ხელშეკრულების ფარგლებში.
- 1.6 „საქონელი“ - წინამდებარე ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

- 2.1. ხელშეკრულების საგანს წარმოადგენს არმატურის და გლინულის (შემდგომში - საქონელი) შესყიდვა.
- 2.2. წინამდებარე ხელშეკრულების საფუძველზე მიმწოდებელი თანახმაა მიაწოდოს შემსყიდველს ხელშეკრულების 2.3. პუნქტით გათვალისწინებული საქონელი, ხოლო შემსყიდველი კისრულობს ვალდებულებას მიიღოს მოთხოვნილი საქონელი და გადაიხადოს მისი ღირებულება ხელშეკრულებით გათვალისწინებული წესით.
- 2.3. ხელშეკრულებით გათვალისწინებული საქონლის დასახელება, რაოდენობა, ერთეულის ღირებულება და საერთო ღირებულება მოცემულია დანართში N1, რომელიც ახლავს ხელშეკრულებას და წარმოადგენს მის განუყოფელ ნაწილს.

3. ხელშეკრულების ღირებულება

- 3.1. ხელშეკრულებით გათვალისწინებული საქონლის ღირებულება საქართველოს კანონმდებლობით გათვალისწინებული დამატებითი ღირებულების გადასახადის გათვალისწინებით შეადგენს 173033.50 (ასსამოცდაცამეტი ათას ოცდაცამეტი დოლარი და 50 ცენტი) აშშ დოლარის ექვივალენტ ლარს.
- 3.3. ხელშეკრულების ღირებულება მოიცავს, როგორც საქონლის ღირებულებას, ასევე

წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს, მათ შორის საქონლის დატვირთვისა, ტრანსპორტირების და საქართველოს კანონმდებლობით გათვალისწინებულ ყველა გადასახადების ჩათვლით.

4. მხარეთა უფლება-მოვალეობები

4.1. მიმწოდებლის მოვალეობები:

- ა) უზრუნველყოს წინამდებარე ხელშეკრულების დანართი N1-ში გათვალისწინებული საქონლის მიწოდება ხელშეკრულებით გათვალისწინებულ ვადებში და ადგილზე;
- ბ) გადასცეს შემსყიდველს უფლებრივად და ნივთობრივად უნაკლო საქონელი;
- გ) ხელი შეუწყოს შემსყიდველს ხელშეკრულების პირობების შესრულების კონტროლის განხორციელებაში და განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე, აგრეთვე დაუყოვნებლივ უზრუნველყოს აღმოჩენილი ხარვეზის გამოსწორება წინამდებარე ხელშეკრულებით გათვალისწინებული პირობების შესაბამისად;
- დ) განახორციელოს ამ ხელშეკრულებით მასზე დაკისრებული სხვა ვალდებულებები.

4.2. შემსყიდველის მოვალეობები:

- ა) უზრუნველყოს ხელშეკრულების შესრულების კონტროლი;
- ბ) განახორციელოს ანგარიშსწორება მიმწოდებელთან ხელშეკრულებით გათვალისწინებული პირობების შესაბამისად;
- გ) შემსყიდველი არ იღებს ვალდებულებას განახორციელოს საქონლის დანართი #1-ში მითითებული რაოდენობის სრულად ათვისება.
- დ) განახორციელოს ამ ხელშეკრულებით მასზე დაკისრებული სხვა ვალდებულებები.

5. საქონლის ხარისხი და გარანტია

- 5.1. წინამდებარე ხელშეკრულებით გათვალისწინებული საქონელი უნდა იყოს ახალი და შეესაბამებოდეს არსებულ სტანდარტებს.
- 5.2. მიმწოდებელი იძლევა გარანტიას, რომ მიწოდებული საქონელი ექსპლუატაციის ნორმების დაცვის შემთხვევაში არ გამოავლენს დეფექტებს.
- 5.3. მიმწოდებელი ვალდებულია შეტყობინების მიღებისთანავე 3 (სამი) კალენდარული დღის განმავლობაში განახორციელოს წუნდებული საქონლის ან მისი ნაწილის შეცვლა ახლით შემსყიდველის მხრიდან რაიმე დამატებითი დანახარჯების გარეშე.
- 5.4. მიმწოდებელი ვალდებულია სრულად აუნაზღაუროს შემსყიდველს უხარისხო საქონლის მიწოდებით მიყენებული ზიანი.
- 5.5. მიმწოდებელი იძლევა გარანტიას, რომ შესასყიდი საქონელი არ არის სადაო, არის უფლებრივად და ნოვობრივად უნაკლო და მესამე პირს არ შეიძლება ჰქონდეს მიწოდებული საქონლის მიმართ რაიმე სახის პრეტენზია, მათ შორის დაკავშირებული საპატენტო უფლებებთან, ასევე სასაქონლო მარკის ან საწარმოო ნაკეთობის გამოყენებასთან.
- 5.6. თუ წუნის შეცვლა შეუძლებელია და შემსყიდველს უკვე გადახდილი აქვს საქონლის ღირებულება მიმწოდებელი ვალდებულია დაუბრუნოს შემსყიდველს გადახდილი ღირებულება და სრულად აუნაზღაუროს მიყენებული ზიანი.
- 5.7. შემსყიდველს უფლება აქვს თვითონ მიიღოს შესაბამისი ზომები ექსპლუატაციის პროცესში წარმოქმნილი ხარვეზების გამოსწორებისათვის და მოსთხოვოს მიმწოდებელს შესაბამისი ხარჯების ანაზღაურება ან გამოქვითოს ეს თანხა ხელშეკრულების მიხედვით მიმწოდებლისათვის გადასახდელი თანხიდან (ასეთს არსებობის შემთხვევაში).
- 5.8. ხელშეკრულებით გათვალისწინებულ საქონელს (პარტიას) მიწოდებისას თან უნდა ახლდეს ხარისხის შესაბამისობის სერტიფიკატი.

6. საქონლის მიწოდების პირობები და მიღება-ჩაბარების წესი

- 6.1. ხელშეკრულებით გათვალისწინებული საქონლის მიწოდება განხორციელდება წინამდებარე ხელშეკრულების ხელმოწერიდან 10 (ათი) კალენდარული დღის განმავლობაში.
- 6.2. საქონლის მიწოდების ადგილი განისაზღვრება შემდეგნაირად:

- 6.2.1. წინამდებარე ხელშეკრულების დანართი #1-ში მოცემული ჩამონათვალის 1-ლი და მე-2 პუნქტით გათვალისწინებული საქონლის მიწოდების ადგილია შემსყიდველის ბეტონის ქარხანა, მებარე ქ. თბილისი, სარაჯიშვილის #116;
- 6.2.2. წინამდებარე ხელშეკრულების დანართი #1-ში მოცემული ჩამონათვალის მე-3 პუნქტიდან მე-5 პუნქტის ჩათვლით გათვალისწინებული საქონლის მიწოდების ადგილია შემსყიდველის სამშენებლო ობიექტი, მდებარე: ოზურგეთი-ნატანები-ურეკის გზის კმ9-კმ16 მონაკვეთი.
- 6.3. მიმწოდებელი ვალდებულია შემსყიდველს საქონელი გადასცეს საქონელი კანონმდებლობის შესაბამისად გამოწერილი სასაქონლო ზედნადებით.
- 6.4. საქონელი შემსყიდველის მიერ ჩაბარებულად, ხოლო მიმწოდებლის მიერ მიწოდებულად ითვლება მიღება-ჩაბარების აქტის გაფორმების შედეგად, რომელიც შედგება საქონლის სრულად მიწოდების შემდეგ.
- 6.5. მიღება-ჩაბარების აქტი ფორმდება წერილობითი ფორმით, მხარეთა საამისოდ უფლებამოსილი წარმომადგენლების ხელმოწერით.
- 6.6. იმ შემთხვევაში, თუ მიღება-ჩაბარების აქტის გაფორმების დღე ემთხვევა არასამუშაო დღეს, მაშინ მიღება-ჩაბარების აქტის გაფორმება შესაძლებელია განხორციელდეს მომდევნო სამუშაო დღეს, რაც არ ჩაითვლება მიმწოდებლის მხრიდან ვადის გადაცილებად.
- 6.7. მიმწოდებელი უფლებამოსილია შემსყიდველს წარუდგინოს ანგარიშ-ფაქტურა მხოლოდ ამ ხელშეკრულების 6.4. პუნქტით გათვალისწინებული მიღება-ჩაბარების აქტის გაფორმების შემდეგ.

7. ხელშეკრულების შესრულების კონტროლი

- 7.1. შემსყიდველის მიერ მისაწოდებელი ან/და მიწოდებული საქონლის მოცულობის, ხარისხისა და მიწოდების ვადების ხელშეკრულების მოთხოვნებთან შესაბამისობის დადგენა და ხელშეკრულების პირობების შესრულების კონტროლი განხორციელდება პერიოდულად, როგორც საქონლის მიწოდების დროს, ისე ამ ხელშეკრულების მოქმედების მთელი პერიოდის განმავლობაში შემსყიდველის მოთხოვნათა შესაბამისად.
- 7.2. შემსყიდველს ან მის მიერ შერჩეულ პირს უფლება აქვს ხელშეკრულების შესრულების ნებისმიერ ეტაპზე განხორციელოს ინსპექტირება მიმწოდებლის მიერ ნაკისრი ვალდებულებების შესრულების მიმდინარეობაზე.
- 7.3. შემსყიდველი უფლებამოსილია განაცხადოს უარი უხარისხო (წუნებული), საქონლის თანმხლები აუცილებელი დოკუმენტაციის გარეშე ან დაგვიანებით მიწოდებული საქონლის ნაწილის ან მთლიანი მოცულობის მიღებაზე.
- 7.4. წინამდებარე ხელშეკრულების შესრულების კონტროლსა და ზედამხედველობაზე პასუხისმგებელი პირი შემსყიდველის მხრიდან წარმოადგენს მთავარი ინჟინერი ვახტანგ გოგია და პროექტის მენეჯერი ირაკლი ჩიქოვანი.

8. ანგარიშსწორების პირობები

- 8.1. შემსყიდველი იღებს ვალდებულებას გადაუხადოს მიმწოდებელს მიღებული საქონლის ღირებულება ხელშეკრულების 6.4. პუნქტით გათვალისწინებული მიღება-ჩაბარების აქტის გაფორმებიდან და თანმდები დოკუმენტაციის (საგადასახადო ანგარიშ-ფაქტურა, სასაქონლო ზედნადების, მიღება-ჩაბარების აქტის და ა.შ.) გამოწერიდან/წარმოდგენიდან 20 (ოცი) სამუშაო დღის განმავლობაში.
- 8.2. ანგარიშსწორება განხორციელდება უნაღდო ანგარიშსწორებით ლარში, საქონლის მიწოდების დღეს ეროვნული ბანკის მიერ დაფიქსირებული ოფიციალურ გაცვლითი კურსის

შესაბამისად.

9. ხელშეკრულების შეფერხება

9.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამოძწვევი მიზეზების შესახებ. შეტყობინების მიმღებმა მხარემ, რაც შეიძლება მოკლე დროში უნდა აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.

9.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-12 მუხლის შესაბამისად.

10. ხელშეკრულების შესრულების გარანტია

10.1. ხელშეკრულების შესრულების უზრუნველყოფის მიზნით, მიმწოდებელმა შემსყიდველს წარუდგინა საბანკო გარანტია, რომელიც წარმოდგენილია დოლარში. საგარანტიო თანხის ოდენობა განისაზღვრება ხელშეკრულების ჯამური ღირებულების 3%-ის ოდენობით, რომლის მოქმედების ვადა 60 (სამოცი) დღით აღემატება საქონლის მიწოდების ვადას.

10.2. ხელშეკრულების შესრულების უზრუნველყოფის მიზნით მიმწოდებლის მიერ წარმოდგენილი უპირობო საბანკო გარანტია გამოიყენება მიმწოდებლის მიერ ხელშეკრულების შეუსრულებლობის ან არაჯეროვანი შესრულების გამო, ასევე ნებისმიერი ზიანის ანაზღაურების მიზნით, რომელიც მიაღდება შემსყიდველს მიმწოდებლის მიერ ხელშეკრულების პირობების შეუსრულებლობის ან არაჯეროვნად შესრულების გამო.

10.3. საბანკო გარანტიის ამოქმედება მიმწოდებელს არ ათავისუფლებს შემსყიდველისათვის მიყენებული ზიანის ანაზღაურებისაგან.

10.4. მიმწოდებლის მიერ ხელშეკრულების შეწყვეტის შემთხვევაში შემსყიდველს უფლება აქვს ამოქმედოს ხელშეკრულების შესრულების უზრუნველყოფის საბანკო გარანტია სრული ოდენობით.

10.5. მიმწოდებლის მიერ ხელშეკრულებით ნაკისრი ვალდებულებების სრულად და ჯეროვნად შესრულების შემდეგ შემსყიდველი ვალდებულია დაუბრუნოს მიმწოდებელს ხელშეკრულების შესრულების უზრუნველყოფის გარანტია.

10.6. მიმწოდებლისაგან დამოუკიდებელი მიზეზების გამო (ფორს-მაჟორული გარემოებები) ხელშეკრულების შეწყვეტის შემთხვევაში შემსყიდველი ვალდებულია მიმწოდებლის მოთხოვნისთანავე დაუბრუნოს მას ხელშეკრულების შესრულების უზრუნველყოფის გარანტია.

11. ხელშეკრულების პირობების შეუსრულებლობა

11.1. წინამდებარე ხელშეკრულების 6.1. პუნქტებით განსაზღვრული საქონლის მიწოდების ვადის გადაცილების შემთხვევაში, შემსყიდველი უფლებამოსილია დააკისროს მიმწოდებელს პირგასამტეხლო 3.1. პუნქტით გათვალისწინებული თანხის 0.05%-ის ოდენობით ყოველ ვადაგადაცილებულ დღეზე.

11.2. პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

11.3. შემსყიდველი უფლებამოსილია დარიცხული პირგასამტეხლო გაქვითოს მიმწოდებლისათვის გადასახდელი თანხიდან.

12. ხელშეკრულებაში ცვლილებების შეტანა

12.1. ნებისმიერი ცვლილება და დამატება წინამდებარე ხელშეკრულებაში შესაძლებელია განხორციელდეს მხოლოდ წერილობით ორივე მხარის მიერ უფლებამოსილი წარმომადგენლების ხელმოწერით.

12.2. თუ რაიმე წინასწარ გათვალისწინებული მიზეზების გამო წარმოიშობა ხელშეკრულების პირობების შეცვლის აუცილებლობა, მათ შორის ფასების ცვლილების შემთხვევაში, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი დასაბუთებული ინფორმაცია.

12.3. ნებისმიერი ცვლილება, რომელსაც მოყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა.

12.4. წინამდებარე ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

13. დავების გადაწყვეტა

13.1 ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკების გზით.

13.2 თუ ასეთი მოლაპარაკების დაწყებიდან 5 (ხუთი) დღის განმავლობაში შემსყიდველი და მიმწოდებელი ვერ შეძლებენ სადავო საკითხის შეთანხმებით მოგვარებას, დავის გადაწყვეტის მიზნით მხარეები მიმართავენ სასამართლოს საქართველოს კანონმდებლობის შესაბამისად. ხელშეკრულება რეგულირდება და განიმარტება საქართველოს კანონმდებლობის შესაბამისად.

14. ხელშეკრულების შეწყვეტა

14.1. შემსყიდველი უფლებამოსილია ვადამდე ცალმხრივად შეწყვიტოს ამ ხელშეკრულების მოქმედება, თუ:

ა) მიმწოდებელი არღვევს ამ ხელშეკრულების პირობებს (არ ასრულებს ან არაჯეროვნად ასრულებს);

ბ) თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია მიაწოდოს მთელი საქონელი ან მისი ნაწილი;

გ) თუ მიმწოდებელი ვერ უზრუნველყოფს ხელშეკრულების 6.1. პუნქტით გათვალისწინებულ ვადებში საქონლის მიწოდებას და ვადაგადაცილება გადააჭარბებს 5 (ხუთი) კალენდარულ დღეს.

დ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო მიმწოდებელი ვერ უზრუნველყოფს ხელშეკრულებით ნაკისრი ვალდებულებების შესრულებას;

ე) მიმწოდებლის მიმართ მიმდინარეობს გაკოტრების საქმე (მიუხედავად მისი დაწყების დროისა);

რ) მიმდინარეობს მიმწოდებლის რეორგანიზაცია, თუ ეს გარემოება ზეგავლენას ახდენს ან შესაძლებელია მოახდინოს ხელშეკრულების ჯეროვან შესრულებაზე;

ზ) მიმწოდებლის ქონებას დაედო ყადაღა;

თ) საქართველოს კანონმდებლობით გათვალისწინებულ სხვა შემთხვევებში.

14.2. ხელშეკრულება შეიძლება შეწყდეს მხარეთა წერილობითი შეთანხმების საფუძველზე.

14.3. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით განსაზღვრული ვალდებულებების შესრულებისგან.

15. ხელშეკრულების მოქმედების ვადა

15.1. წინამდებარე ხელშეკრულება ძალაში შედის მხარეთა მიერ ხელშეკრულების ხელმოწერის დღიდან და მოქმედებს 2018 წლის 08 იანვრის ჩათვლით.

16. ფორს-მაჟორი

16.1. მხარეები თავისუფლდებიან ხელშეკრულებით გათვალისწინებული ვალდებულებების შეუსრულებლობით გამოწვეული პასუხისმგებლობისაგან, თუ ვალდებულებების შეუსრულებლობა გამოწვეულია დაუძლეველი ძალის (სტიქიური უბედურება, ეპიდემია, ომი, საზოგადოებრივი არეულობა და ა.შ.) ზეგავლენით, რომლის წინასწარ განსაზღვრა ან თავიდან აცილება მხარეების შესაძლებლობას აღემატებოდა. დაუძლეველი ძალით გამოწვეული მოვლენად ჩაითვლება მოვლენა, რომლის წარმოშობასა და განვითარებაზე მხარეებს ზეგავლენის მოხდენა არ შეუძლიათ (ფორს-მაჟორი).

16.2. მხარე, რომელსაც მიზეზად დაუძლეველი ძალის მოვლენები მოჰყავს, ვალდებულია დაუყოვნებლივ აცნობოს მეორე მხარეს წერილობით ასეთი მოვლენების დადგომის თაობაზე. ამასთან, მეორემხარისმოთხოვნისშემთხვევაში, უნდა წარმოადგინოს დაუძლეველი ძალის მოვლენების არსებობის დამადასტურებელი დოკუმენტი, რომ ამ მოვლენამ არსებითად ხელი შეუშალა მხარეს ხელშეკრულებით გათვალისწინებული ვალდებულების შესრულებაში.

16.3. ის ვადა, რომლის განმავლობაშიც ხელშეკრულების მხარემ უნდა შეასრულოს წინამდებარე ხელშეკრულებით მასზე დაკისრებული ვალდებულება გადაიწეს იმ პერიოდის ექვივალენტური დროით, რომლის განმავლობაშიც ასეთ მხარეს არ შესწევდა აღნიშნული ვალდებულებების განხორციელების უნარი ფორს-მაჟორული გარემოებების გამო, თუ ეს საერთოდ იქნება შესაძლებელი;

17. სხვა პირობები

17.1. ხელშეკრულება შედგენილია ორი თანაბარი იურიდიული ძალის მქონე ეგზემპლარად, ქართულ ენაზე, აქედან ერთი ეგზემპლარი გადაეცემა მიმწოდებელს, ხოლო მეორე - შემსყიდველს.

შემსყიდველი:

შპს „სახელმწიფო სამშენებლო კომპანია“

ს/კ: 205140257

მის: ქ. თბილისი, ორბეის დასახლება,
ახვლედიანის N21

ბანკი: ს.ს. „თიბისი ბანკი“

კოდი: TBCBGE22

ა/ა: GE17TB1100000360200175

მიმწოდებელი:

შპს „მარტ სთილი“

ს/კ: 406133599

მის: თბილისი, ლილოს მიმდებარედ, ნაკვეთი
05/053

ბანკი: სს „თიბისი ბანკი“

კოდი: TBCBGE22

ა/ა: GE84TB7263336050100001

გიორგი შენგელია



ლევან ფირცხალაიშვილი



დანართი N 1
(2017 წლის 28 ნოემბერის ხელშეკრულებაზე)
(შესყიდვის ელექტრონული პროცედურა №GEO170000651)

ქ. თბილისი

28 ნოემბერი 2017 წელი

#	საქონლის დასახელება	რაოდენობა/ განზომილება	ერთეულის ფასი (აშშ დოლარი დღგ-ს ჩათვლით)	საერთო ფასი (აშშ დოლარი დღგ-ს ჩათვლით)
1	2	2	3	4
1	გლინულა Ø8მმ, A 240 c (სიგრძე 12 მ) გასწორებული	32 ტონა (+/- 2%)	707.28	22632.96
2	არმატურა Ø10მმ, A 500 c (სიგრძე 12 მ)	166 ტონა (+/- 2%)	696.80	115668.80
3	გლინულა Ø8მმ, A 240 c (სიგრძე 12 მ) გასწორებული	4 ტონა (+/- 2%)	707.28	2829.12
4	არმატურა Ø8მმ, A 500 c (სიგრძე 12 მ)	18 ტონა (+/- 2%)	761.04	13698.72
5	არმატურა Ø10მმ, A 500 c (სიგრძე 12 მ)	26 ტონა (+/- 2%)	700.15	18203.90
				ჯამი: 173033.50

შემსყიდველი:

მიმწოდებელი:

შპს „სახელმწიფო სამშენებლო კომპანია“

შპს „მარტ სთილი“

ს/კ: 205140257

ს/კ: 406133599

მის: ქ. თბილისი, ორბეჯის დასახლება,
ახვლედიანის N21

მის: თბილისი, ლილოს მიმდებარედ, ნაკვეთი
05/053

ბანკი: ს.ს. „თიბისი ბანკი“

ბანკი: სს „თიბისი ბანკი“

კოდი: TBCBGE22

კოდი: TBCBGE22

ა/ა: GE17TB1100000360200175

ა/ა: GE84TB7263336050100001

გიორგი შენგელია

ლევან ფირცხალაიშვილი

